



Kolektivno osiguranje zaposlenika od posljedica nezgode

Životne planove pravimo ne razmišljajući o tome da se nezgode mogu dogoditi iznenada, najčešće kada ih najmanje očekujemo. One su sastavni dio našega života i u trenutku ga mogu iz temelja promijeniti. Ipak, to ne znači da treba da živimo sputani strahom od neželjenih događaja. Posljedice koje može izazvati nesretni slučaj ne mogu se uvijek u cijelosti ukloniti, ali finansijske posljedice nezgode mogu se ublažiti odgovarajućom osigurateljnom zaštitom. Dovoljna je jedna mudra odluka koja može da obezbijedi prijeko potrebnu sigurnost.

UNIQA osiguranje pomaže Vam da zaštite Vaše zaposlenike, obezbijedite njima i njihovoj porodici sigurnost, kao i vlastitu sigurnost ugovaranjem polise osiguranja od posljedica nezgode.

Rizici od kojih poslodavac može osigurati svoje zaposlenike:

- smrti uslijed nezgode
- trajna invalidnost
- smrti uslijed bolesti
- troškovi liječenja
- dnevna naknada za boravak u bolnici
- lom kosti

Premija osiguranja zavisi od ugovorenih osiguranih rizika i visine osiguranih suma na koje želite da zaključite osiguranje. Premiju plaća poslodavac (na teret troškova poslovanja) ili zaposlenici (iz svojih nakada za rad) mjesечно, kvartalno, polugodišnje ili godišnje. Osiguranje važi 24 sata dnevno, bez obzira da li se zaposlenik nalazi na radnom mjestu, službenom putovanju, izletu, ljetovanju ili zimovanju, kulturnim, sportskim ili drugim manifestacijama.

Pregled osiguranih suma i iznosa premije

Smrt uslijed nezgode	Trajna invalidnost	Smrt uslijed bolesti	Troškovi liječenja do	Dnevna naknada za boravak u bolnici	Lom kostiju	Mjesečna premija	Godišnja premija	Ukupna godišnja premija osiguranja za sve zaposlenike
39.850,00	79.690,00	2.500,00	1.500,00	10.00	200,00	5,00	60,00	0,00

Smrt uslijed nezgode	Trajna invalidnost	Smrt uslijed bolesti	Troškovi liječenja do	Dnevna naknada za boravak u bolnici	Lom kostiju	Mjesečna premija	Godišnja premija	Ukupna godišnja premija osiguranja za sve zaposlenike
59.050,00	118.100,00	5.000,00	2.500,00	20,00	400,00	10,00	120,00	0,00

UNIQA Osiguranje d.d. Sarajevo, ul. Obala Kulina bana br.19, Sarajevo, ID broj 4200137020002
zastupano po direktoru Senadi Olević i izvršnom direktoru Ameli Omarašević, (u daljem tekstu:
OSIGURAVAČ)

i

UG SINDIKAT POLICIJE KANTONA SARAJEVO, ul. La Benevolencija 16, Sarajevo, kojeg zastupa
predsjednik Upravnog odbora Sindikata Sadik Ećo (u daljem tekstu: **UGOVARAČ OSIGURANJA**)
zaključili su dana 10.07.2020. godine

U G O V O R
o osiguranju lica

ČLAN 1. – PREDMET UGOVORA

1.1. Predmet ovog ugovora je pružanje usluga kolektivnog osiguranja osoba od posljedice nesretnog slučaja (nezgode) od strane OSIGURAVAČA za potrebe UGOVARAČA OSIGURANJA, odnosno zaposlenike MUP-a Kantona Sarajevo i Uprave policije u skladu sa dostavljenom ponudom osiguranja od 24.06.2020. god., i to za osigurateljnu godinu koja počinje 15.07.2020. godine i završava sa 15.07.2021. godine.

ČLAN 2. – KOLEKTIVNO KOMBINOVANO OSIGURANJE ZAPOSLENIKA OD NEZGODE

2.1. Osiguranici: Zaposlenici MUP Kantona Sarajevo i Uprave policije u skladu sa dostavljenim spiskom.

2.2. Korisnik osiguranja: U skladu sa Općim uslovima za osiguranje od posljedica nesretnog slučaja (nezgode) i Dopunskim uslovima za kolektivno osiguranje zaposlenika od posljedica nesretnog slučaja (nezgode) sa rizikom smrti uslijed bolesti.

2.3. Osigurani slučaj: Iznenadni i od osiguranika nezavisni događaj koji se desi pri vršenju i izvan vršenja redovnog zanimanja (24 sata), a prema osiguranim rizicima određenim polisama osiguranja i uslovima za osiguranje.

2.4. Uslovi osiguranja: Opći uslovi za osiguranje od posljedica nesretnog slučaja (nezgode) i Dopunski uslovi za kolektivno osiguranje zaposlenika od posljedica nesretnog slučaja (nezgode) sa rizikom smrti uslijed bolesti sa pratećim tabelama invaliditeta.

2.5. Osigurane sume za osigurane slučajeve su kako slijedi:

VARIJANTA A (mjesečna premija po zaposleniku 5,00 KM)

SMRT USLJED BOLESTI	2.500,00 KM
SMRT USLJED NESRETNOG SLUČAJA	39.850,00 KM
TRAJNA INVALIDNOST USLJED NESRETNOG SLUČAJA	79.690,00 KM
TROŠKOVI LIJEČENJA	1.500,00 KM
DNEVNA NAKNADA ZA BORAVAK U BOLNICI	10,00 KM
LOM KOSTIJU	200,00 KM

VARIJANTA B (mjesečna premija po zaposleniku 10,00 KM)

SMRT USLJED BOLESTI	5.000,00 KM
SMRT USLJED NESRETNOG SLUČAJA	59.050,00 KM
TRAJNA INVALIDNOST USLJED NESRETNOG SLUČAJA	118.100,00 KM
TROŠKOVI LIJEČENJA	2.500,00 KM
DNEVNA NAKNADA ZA BORAVAK U BOLNICI	20,00 KM
LOM KOSTIJU	400,00 KM

2.6. OSIGURAVAČ se obavezuju pružiti osiguravajuće pokriće korisnicima osiguranja u skladu sa odredbama uslova osiguranja navedenim pod stavkom 2.2., te osiguranim sumama preciziranim u prethodnom stavu 2.5.

ČLAN 3. – TRAJANJE UGOVORA

3.1. Ovaj ugovor se zaključuje na period od godinu dana, i to za period osiguranja počev od 15.07.2020. godine do 15.07.2021. godine.

3.2. OSIGURAVAČ će prije početka osiguranja određenog ovim ugovorom ispostaviti UGOVARAČU OSIGURANJA predmetne polise osiguranja.

ČLAN 4. – PLAĆANJE PREMIJE OSIGURANJA

4.1. UGOVARAČ OSIGURANJA se obavezuje plaćati premiju osiguranja u mjesecnim ratama u skladu sa ratama premije osiguranja određenim u polisama osiguranja.

4.2 OSIGURAVAČ odobrava UGOVARAČU OSIGURANJA odgodu plaćanja premije po izdatim polisama osiguranja, i to do 30 dana od dana ispostavljene fakture za plaćanje.

ČLAN 5. – POGODNOSTI ZA ZAPOSLENIKE UGOVARAČA OSIGURANJA

5.1. OSIGURAVAČ će svim zaposlenicima MUP Kantona Sarajevo i Uprave policije koji su osigurani po ovom Ugovoru omogući zaključenje svih drugih vrsta osiguranja po najpovoljnijim uslovima, izuzimajući osiguranje od automobilske odgovornosti.

ČLAN 6. – NADLEŽNOST SUDA

Ugovorne strane su saglasne da će sve eventualne nesporazume i sporove koji mogu nastati po ovom ugovoru nastojati rješavati sporazumno, a za slučaj da to ne bude moguće ugovara se nadležnost Općinskog suda Sarajevu.

ČLAN 7. – POVJERLJIVOST

Ugovorne strane se obavezuju sve podatke dobijene u međusobnim poslovnim odnosima, kao i sve podatke koji proisteknu iz istih ili stoje u vezi sa istim, čuvati kao poslovnu tajnu, te ugovaraju da svako neovlašteno otkrivanje istih povlači za sobom naknadu time prouzrokovane štete.

ČLAN 8. – OSTALE ODREDBE

Ovaj ugovor sačinjen je u dva istovjetna primjerka od kojih svaka ugovorna strana zadržava jedan primjerak.




Izvršni direktor
Amela Omerašević

Broj: 2020-0001-000633

Direktor
Senada Olević

Ugovarač osiguranja
UG SINDIKAT POLICIJE KANTONA
SARAJEVO



Predsjednik
Upravnog odbora SPKS
Sadik Ećo
Broj: SPKS-308/20